

# JUNIOR SECONDARY CERTIFICATE

**RUMANYO FIRST LANGUAGE**

**1107/4**

PAPER 4 Literature

2 hours

Marks 60

**2019**

Additional Materials: Answer Book

## INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section 1 **Poetry**, **one** from Section 2 **Drama** and **one** from Section 3 **Prose**.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

## MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaMuhameni mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.
- Limburura mapuro **matatu**, **limwe** mulipongonyono 1 **Mutango**, **limwe** mulipongonyono 2 **Shidanauka**, **limwe** mulipongonyono 3 **Porosa**.
- Pakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [ ] kuuhura wakehe lipuro mpiri ruha rwalipuro.

This document consists of **9** printed pages.



Republic of Namibia

**MINISTRY OF EDUCATION, ARTS AND CULTURE**

**LIPONGONYONO 1: MUTANGO**

Limburura mo lipuro **limwe** tupu muruha runo.

**Shikwangwa: Komiti yaRumanyo**

1 Varura nawa mutango makura u limburure mapuro.

**Limona**

Nane nkore kamungani  
Wakuhora limona  
Kumona ko shi paShipumbwarambo

Vino damudamu yira mema gharupupo  
Limona kupupa kushupura mwene  
Morwa a mona oko lya tundilira  
Kambeghere kora nyara, vakurera vapwa kufa

Va vi tanta kare vakurona shi  
Ngombe yaunyoye ve hewa sha  
Kapi ava yi dikiri mushikiro sha  
Molya kara ngoli limona sha

Una vhurama honde yamwene  
Honde ava piri kuhaghura mema  
A ghambire vino, a ghambire vinya  
Ngau ka shuma kahurunyara koye

Nkuruverere ove shi walye shidira tupu  
Kapishi mbyo tupu vakurona  
Kukwata mulipindi vana shintjikiriko lishevo  
Limona djuni ne nani vana

*(Linyando M. Immanuel)*

- (a) Qautraine mutango wakaro kehe mushinemaghano natundjira tune tune. [2]
- (b) Rudi munke rwamutango uno? Tapa konda kulilimburo lyoye. [2]
- (c) Weni omo ana kunegheda mutangi vavaruli uona wakunengukiranga limona oyo wadira kuyiva ntundiro yalyo? Rughanita maghano ghamumutango ghakuvatere kumalimburo ghoye. [3]
- (d) Vare una kukorangeda mutango uno? Nkondopeka lilimburo lyoye omo u karughanita maghano ghamumutango. [3]
- (e) Vinke a tamba mutangi nadimutunda dino:  
 “Ngombe yaunyoye ve hewa sha”  
 “Kapi ava yi dikiri mushikiro sha” [4]
- (f) Shinka munke ana kara nasho mutangi kuhamena kulimonadjuni oyo una varura mumutango uno? Tjanga ko vitwa **vitatu**. [3]
- (g) Likuyuvho munke una kara nalyo opo una varura pashinemaghano shaune? Nkondopeka lilimburo lyoye omo u karughanita maghano ghamushine-maghano osho. [3]
- [20]**

**NDI**

2 Varura nawa mutango ghuno makura u limburure mapuro.

### Nkuruverere

Dingashi tupu dina pito po  
Nda, yira ni mone mupoto  
Mupoto muna karo lidibidibi  
Lidibidibi lyaligcere

Ani mbova va ghambero pano  
Vana nkokere lyambawidi  
Va ka ndjitire kapara kambambi  
Kamumavoko murushimbanga ntjapi

Shimpe nina kuvhuruka  
Kumureki wakuhurerera  
Ashi nda ngau shi mona  
Wa monine mbwindi mumuduva

Kukamburura vina ndimbi  
Likongoro lina vindamapo  
Vakutondowera panderepo  
Navantje vatjida vambambi

*(Mukunga N. Edward)*

- (a) Weni a rughanita mutangi nkango mushinemaghano shakutanga a tape mbudi kuvavaruli? [2]
- (b) Shingonona ngambito dino mbiri odo dina tundo mumutango uno [2]
- (i) Lyambawidi [2]
- (ii) Kapara kambimbi [2]
- (c) Likuyuvho munke ana kara nalyo mutangi kuhamena vishorokwa ovyo una varura mushinemaghano shautatu? Nkondopeka lilimbururo lyoye omo u karughanita maghano ghamushinemoghano osho. [3]
- (d) Makughoshagharo gharudi munke a rughanita mutangi mumutango wendi mushinemaghano shakuhulilira? Ghaneghede. [3]
- (e) Vare una kukorangeda unene mutango uno? Nkondopeka lilimbururo lyoye omo u karughanita maghano ghamumutango. [4]
- (f) Wana mo ngambito nne odo a rughanita mutangi mukunegheda vishorokwa vyashiponga kumuntu mumutango uno? [4]

**[20]**

**LIPONGONYONO 2: SHIDANAUKA**

Limbururamo lipuro **limwe** tupu muruha runo.

**Mumpadi Dakare: H. N. Diaz**

- 3 Mukuve:** Oyo nkango muna kughamba natwe nda ndjo katughamba opo kava tumenekere vaNantapo namukamali wendi Kanona vayite vano vagenda kumundi wetu kuUtokota.

**Shimbarankuru:** Mughunyande ame kani ya kwaNangura muMuhopi ngani ya wane ko kamungwa kakutovitanga lipoko ndi mboga nakapunduka

*Makura ava vareke kukupindaghura nakupulidapulida navantje ovo vakaliro kuRukombo. Mukuve na mukamali wendi vavo makura ava vyukakokwavo kuUtokota.*

**Mushishi:** Ovyo ndi ngavi kafere tupu kunya.

- (a) Vinke ana kunegheda mutjangi kuvavaruli mudingu waShimbarankuru mumbapira yino? [3]
- (b) Likuyuvho munke wa kalire nalyo opo wa varulire ashi vaPoroto na Ndambu vakwatitireko mfa danyokwawo Shimbarankuru? Nkondopeka lilimbururo lyoye. [3]
- (c) Fwaturura nkango odo dina tundo mumbapira yino:
- (i) Kushimbira mumantjo [2]
- (ii) Rera vanyime [2]
- (d) Vyawapire ndi kapi vyawapire ovyo a tumbire Shimbarankuru ruyendo aka dingure vavendi [4]
- (e) Viviyauka vyamudani ke ovyo wahorapo navi wadira kuhora kutwara mushidanauka shino. [3]
- (f) Vinke ovyo una kushongeremo mumudingu wa Shimbarankuru opo a ka dingulire Moyo pa Katimba kutwara mumbapira yino? [3]

**[20]**

**NDI**

- 4 *Muliyuva lyaunne kungurova hawe navantje ava ka vyuka-vyuka ano nko kukaponga kulipata lyaMwengerenkuru.*

**Shiyengo:** Name namuunyande Ndara hawe ka turoroka kupupida dogoro kuKantu

**Shikundu:** Natweshi katuroroka kupuraghera dogoro kuGove. Vantu navantje kava kaghamba ashi muntu kunya ne a tundire ko vene.

**Shikerete:** Atwe ka tuka kudinguruka ngudu-ngudu pa Kayengona, Uvhungu-vhungu, Rupogoro na Sharushungu. Weno ka tukatikika mbudi yetu kwahompa waShambyu wamusheli munya yamukuro waKavango Hompa Mwengere yaMukosho. Hompa ngapongaika vantu va padimukunda dinya. Vighambaura ngavi kakara ko yona. Mukupura vantu vapadimukunda dinya ashi naumweshi vene a yuvhoko ovyo vyashorokiliro Shimbarankuru mudimukunda dinya ndi?

- (a) Kutwara mushidanaghuka shino vinke ana kunegheda mutjangi kuvavaruli kuhamena kuukaro waVimbundu? [4]
- (b) Viviyauka vyavitodi mushidanauka shino vya wapire ndi kapi vyawapire? Nkondopeka lilimbururo lyoye. [4]
- (c) Likuyuvho munke ghuna kara nalyo kuhamena omo va mudipaghire Shimbarankuru? [4]
- (d) Vinke ana kunegheda mutjangi kuvavaruli kuhamena nkalito yaShimbarankuru mushidanauka shino? [4]
- (e) Fwaturura ngambito odo dina tundo mumbapira yino:
- (i) Kufa kwankuruhupa [2]
- (ii) Twa sha titikenu ntjwa kushighuru [2]

**[20]**

**LIPONGONYONO 3: POROSA**

Limbururamo tupu lipuro **limwe** muruha runo.

**Kashuta Mukokerambanga: H. N. Diaz**

**5 Kakodi namuunyendi Mutimba**

Mwaka dangandi adi kapita ano Mutimba a diruka aka tunge paDiraghu. Makukangango kutunda pashimpagwa shinya shandjovhu, hashu ghapwire kadidi. Apa va vhuramine vantu shimpagwa shinya, makukangango agha vereke nka. Kehepano pakunwa marovhu kukukangangita kundjovhu morwashi kutunda liyuva linya lyashimpagwa shandjovhu kwapitire po tupu mayuva ghangandi makura ava kawana ndjovhu wakufa kuurundu waMangarara. Omu va mu varelire ndi kwatundilire musheli muno yamukuro waKavango omu vasuremikilire, ano ngoli Kakodi naMutimba kwaka temawire vantu opo va ka mupapagwhulire unya ndjovhu. Mupaparenu nawa, mwaroya rumwe ndjovhu a fe anwe ndi? Namuntji mu ka fe ngoli mukaru nyama yandjovhu ogho twaroya atwe vakafumudjuni. A gamba Mutimba okuno Kakodi naye kuna kumukwatita ko.

- (a) Weni omo ana kunegheda mutjangi kuvavaruli ukaro wavaKakodi namuunyendi Mutimba mushivarura shino? [4]
- (b) Tjangako omo ana negheda mutjangi udona wakufuka kwamagima kuvimuna navantu pamukunda kutwara mushivarura shino? [4]
- (c) Shinka munke ana kara nasho mutjangi kuvavaruli kuhamena likukangango mushitimwitira shino? [3]
- (d) Koye ko ove weni omu lyakukenena lirambo lyandjovhu ogho vakapapawire vantupaMangarara mushitimwitira shino? [3]
- (e) Vinke dina kutanta nkango dino mushitimwitira?
- (i) Kumenga [2]
- (ii) Shimpagwa [2]
- (f) Kutwara omo wavarura shitimwitira shino shaKakodi namuunyendi Mutimba mudani munke ogho una horopo ntani morwa nke una muhorere weyo? [2]
- [20]

**NDI**

## 6 Matjirano

Liyuva limwe mukafumu a tundu kushirongo shaUkwangali shamusheli munya yamukuro waKavango a yende kumbongi yaPutu yapashishongo musheli munya yamukuro waKavango mushirongo shaGciriku. PaMayeye, aya rarere mumundi omo vatungire vaMatjirano navakurona vendi.

Ngurova yinya vakafumu ava ka kupongaika kushinyanga vaka tegherere kumbudi odo va mu tumine Vaputu unya mukafumu walidina Iya Kamberuka. Mukutwara muvitimwitira Kamberuka ghuye kwatungire pamukunda waMatava musheli munya yamukuro waKavango mushirongo shaUkwangali. Kamberuka kapi a timwitilire tupu evi vamutumine Vaputu nani ngoli kwatimwitilire nka vyakuhamena kuungavo wendi wangombe dadingi shiri.

- (a) Kutwara omu wavarura shitimwitira shaMatjirano, mudani munke ogho a kuyendopo kumutjima ntani morwa nke una kuvighambere weyo? [2]
- (b) Vinke ana kunegheda mutjangi kuvavaruli kuhamena nkware damutiniko mushitimwitira shino? [4]
- (c) Weni omo ana kunegheda mutjangi kuvavaruli kuhamena ungavo waKamberuka mushitimwitira shino? [4]
- (d) Likuyuvho munke wakarire nalyo opo wavarulire omo vana kulira vana vaMatjirano ndjara kumundi wanyakulyavo mushitimwitira shino? [4]
- (e) Weni omo una kootjangerura ukaro waMatjirano opo aka kalire livara lyendi mushitimwitira shino? [3]
- (f) Vinke una kushongereko kumfa daMatjirano mushitimwitira shino? [3]

**[20]**